

ხელშეკრულება სახელმწიფო შესყიდვის შესახებ N 87

გამარტივებული შესყიდვა

საქართველოს კანონი „სახელმწიფო შესყიდვების შესახებ“ მე-10¹ მუხლის მე-3 პუნქტის „ვ“ ქვეპუნქტი
დაფინანსების წყარო 2022 წლის სახელმწიფო ბიუჯეტი

ქ. თბილისი

_____ 2022 წ.

ერთის მხრივ, ა(ა)იპ „მოსწავლე-ახალგაზრდობის ეროვნული სასახლე“ (ს/კ 404494980), შემდგომში წოდებული „შემსყიდველად“, წარმოდგენილი მისი დირექტორის თინათინ რუხაძის სახით და მეორეს მხრივ შპს „ეს სი თრეველ“ (ს/კ 205281504), შემდგომში წოდებული „მიმწოდებლად“ წარმოდგენილი მისი დირექტორის ნიკოლოზ მანჯგალაძის სახით ორივე ერთად წოდებული, როგორც „მხარეები“, ვმოქმედებთ რა საქართველოს კანონმდებლობის, მათ შორის „სახელმწიფო შესყიდვების შესახებ“ კანონის შესაბამისად, ვდებთ წინამდებარე ხელშეკრულებას:

მუხლი 1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში.
- 1.6. „მომსახურება“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების საგანი

ხელშეკრულების საგანია, შემსყიდველის მიერ იუნესკოს საერთაშორისო ინსტიტუტის შვეიცარიის ცენტრის პრეზიდენტისა და თეატრის რეჟისორისათვის Anina Jendreyko-სთვის საჰაერო ტრანსპორტის მომსახურების (ავიაბილეთი: 31 მაისი ათენი-მიუნხენი-თბილისი; 05 ივნისი თბილისი-მიუნხენი-ბაზელი) შესყიდვა ხელშეკრულებით გათვალისწინებული პირობების შესაბამისად.

(CPV 60400000)

მუხლი 3. ხელშეკრულების ღირებულება

- 3.1. ხელშეკრულების საერთო ღირებულებაა: 2685,90 (ორი ათას ექვსას ოთხმოცდახუთი ლარი და 90 თეთრი) ლარი.
- 3.2. ხელშეკრულების ღირებულება მოიცავს, როგორც გაწეული მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და

საქართველოს კანონმდებლობით გათვალისწინებულ გადასახადებს (მათ შორის დამატებითი ღირებულების გადასახადს).

3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

მუხლი 4. ხელშეკრულების საგნის მიწოდების ვადები და მიწოდების ადგილი

4.1. შესყიდული ავიაბილეთის მიწოდება უნდა მოხდეს ელექტრონული სახით შემსყიდველის კუთვნილ ელექტრონულ ფოსტაზე: procurement@nationalpalace.ge არაუგვიანეს 2022 წლის 30 მაისისა.

მუხლი 5. მხარეთა მოვალეობები

5.1. მიმწოდებელი ვალდებულია:

- ა. გაუწიოს მომსახურება შემსყიდველს მე-4 მუხლის 4.1 პუნქტით დადგენილ ვადებში;
- ბ. განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;
- გ. განახორციელოს ამ ხელშეკრულებით მასზე დაკისრებული სხვა ვალდებულებები.

5.2. შემსყიდველი ვალდებულია:

- ა. უზრუნველყოს გაწეული მომსახურების წინამდებარე ხელშეკრულების პირობებთან შესაბამისობის კონტროლი და დადებითი შეფასების შემთხვევაში მისი მიღება;
- ბ. განახორციელოს ამ ხელშეკრულებით მასზე დაკისრებული სხვა ვალდებულებები.

მუხლი 6. ხარისხი

ხელშეკრულებით გათვალისწინებული გაწეული მომსახურების ხარისხი უნდა შეესაბამებოდეს შემსყიდველის მოთხოვნებს.

მუხლი 7. ხელშეკრულების შესრულების კონტროლი

- 7.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების პერიოდში.
- 7.2. კონტროლს განახორციელებს ა(ა)იპ „მოსწავლე-ახალგაზრდობის ეროვნული სასახლის“ შემსყიდველის სამსახურის უფროსი და პროექტებისა და პროგრამების სამსახურის უფროსი.
- 7.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული მომსახურება, მიმწოდებელი ვალდებულია შეტყობინებისთანავე გამოასწოროს წუნი ან თუ წუნის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული მომსახურების ღირებულება. წუნის გამოსწორებასთან დაკავშირებული ყველა ხარჯი ეკისრება მიმწოდებელს.
- 7.4. თუ ამ მუხლის 7.3. პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

მუხლი 8. მომსახურების მიღება-ჩაბარების წესი

8.1. მომსახურების მიღება წარმოებს ეტაპობრივად, კურსის დასრულებისთანავე, მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, კონტროლის განმახორციელებელი პირის დადებითი დასკვნის საფუძველზე. თუ კი მიწოდების ბოლო ვადა ემთხვევა არასამუშაო დღეს, მაშინ მიღება-ჩაბარების აქტის გაფორმება მოხდება მომდევნო სამუშაო დღეს.

8.2. მომსახურების მიღებას აწარმოებს: ა(ა)იპ “მოსწავლე-ახალგაზრდობის ეროვნული სასახლე“ მატერიალურ-ტექნიკური უზრუნველყოფისა და ლოჯისტიკის სამსახურის უფროსი.

მუხლი 9. ანგარიშსწორება

9.1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2. შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება ეტაპობრივად მიღება-ჩაბარების აქტის გაფორმებიდან ან/და საქართველოს კანონმდებლობით დადგენილი შესაბამისი დოკუმენტაციის წარმოდგენიდან 10 (ათი) დღის განმავლობაში. თუ კი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

მუხლი 10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

მუხლი 11. ხელშეკრულების პირობების შეუსრულებლობა

11.1. წინამდებარე ხელშეკრულების მე-4.1 პუნქტით განსაზღვრული მომსახურების გაწევის ვადების გადაცილების შემთხვევაში ან 7.3. პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.2%-ის ოდენობით.

11.2. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

11.3. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

მუხლი 12. ხელშეკრულებაში ცვლილებების შეტანა

12.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

12.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

მუხლი 13. დავების გადაწყვეტა

13.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

13.2. თუ ასეთი მოლაპარაკების დაწყებიდან 3 (სამი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

მუხლი 14. ხელშეკრულების შეწყვეტა

14.1. შემსყიდველი უფლებამოსილია მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

14.2. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

14.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

მუხლი 15. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების გაფორმების თარიღიდან და მოქმედებს 2022 წლის 31 დეკემბრის ჩათვლით.

მუხლი 16. ფორს-მაჟორი

16.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

16.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, მომსახურების გაწევაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

16.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

მუხლი 17. სხვა პირობები

- 17.1. ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ერთი შემსყიდველს;
- 17.2. წინამდებარე ხელშეკრულების რომელიმე მუხლის (ან მისი ნაწილის) ბათილობა არ გამოიწვევს მთლიანად ხელშეკრულების ბათილობას;
- 17.3. საკითხები, რომლებიც წარმოიშობა წინამდებარე ხელშეკრულების მხარეებს შორის და რომელთა რეგულირებაც არ არის მოცემული ხელშეკრულებაში, გადაწყდება საქართველოს მოქმედი კანონმდებლობის საფუძველზე;
- 17.4. ხელშეკრულების მუხლებს თანდართული აქვს სათაურები ხელშეკრულების ტექსტით სარგებლობის გასაადვილებლად და ეს სათაურები არ მიიჩნევა ამ ხელშეკრულების რომელიმე დებულების განმსაზღვრელად, შემცველად ან განმმარტებლად.

მუხლი 18. მხარეთა რეკვიზიტები:

„შემსყიდველი“

ა(ა)იპ „მოსწავლე - ახალგაზრდობის
ეროვნული სასახლე“
იურიდიული მის: თბილისი, რუსთაველის გამზ. №6
ტელეფონი: 2931560
ელ. ფოსტა: procurement@nationalpalace.ge
ს/კ 404494980
საბანკო რეკვიზიტები:
სახელმწიფო ხაზინა
კოდი: TRESGE22

დირექტორი
თინათინ რუხაძე

„მიმწოდებელი“

შპს „ეს სი ტრეველ“
მის: თბილისი, აბაშიძე 42ა
ტელ: 2420420
ელ. ფოსტა: lena@travelshop.travel
ს/კ 205281504
საბანკო რეკვიზიტები:
სს „საქართველოს ბანკი“ BAGAGE22
ანგ. GE19 BG00 0000 0625 5492 00

დირექტორი
ნიკოლოზ მანჯგალაძე



ხელწერილი ინტერესთა კონფლიქტის შესახებ

მაისი, 2022 წელი


ჩვენ, ქვემოთ ხელის მომწერნი ვადასტურებთ, რომ ა(ა)იპ „მოსწავლე-ახალგაზრდობის ეროვნული სასახლე“-ის მიერ გამარტივებული შესყიდვის საშუალებით, საჭაერო ტრენსპორტით მომსახურების შესყიდვასთან დაკავშირებით გაფორმებულ ხელშეკრულებაში მითითებულ მიმწოდებელთან - შპს „ეს სი თრეველ“ ს/კ 205281504, „სახელმწიფო შესყიდვების შესახებ“ საქართველოს კანონის მე-8 მუხლის გათვალისწინებით ინტერესთა კონფლიქტში არ ვიმყოფებით.

ა(ა)იპ „მოსწავლე-ახალგაზრდობის ეროვნული სასახლე“
დირექტორი



თინათინ რუხაძე

ა(ა)იპ „მოსწავლე-ახალგაზრდობის ეროვნული სასახლე“
შესყიდვების სამსახურის უფროსი



სალომე ხურცილავა

ა(ა)იპ „მოსწავლე-ახალგაზრდობის ეროვნული სასახლე“
პროექტებისა და პროგრამების სამსახურის უფროსი



ლევან დვალი

ა(ა)იპ „მოსწავლე-ახალგაზრდობის ეროვნული სასახლე“
მატერიალურ-ტექნიკური უზრუნველყოფისა და ლოჯისტიკის სამსახურის უფროსი



ვასილ ლუტიძე